

RÁ MŪDI RA TESALONICENSE RÁ MŪDI CARTA RA APOSTOL NSAN PABLO BI 'YOPABI YA GAMFRI ME TESALONICA

Ra apostol Pablo ne yá compa opabi ya gamfri me Tesalonica

¹ Núga drá Pablo, ne ra cu Silvano ne ra cu Timu, dí pɛhn'a'ihɛbɛ nuna ra carta, nu'ahɛ gyá gamfrihɛ guí 'bɛhɛbɛ Tesalonica ne guí 'bɛhɛ co Ajuá ra Dada ne co ra zi Hmu Jesucristo. Ajuá ma Dadahɛ ne ma zi Hmuhɛ ra Jesucristo da jap'a'ihɛ ne da max'ahɛ pa guí 'bɛhɛ te rá 'ñentho.

Ra hoga'mɛi mi udi ya gamfri me Tesalonica

² Dí aphe Ajuá por gue'ahɛ ne nzantho dí umfe njamadi'a por gatho'ihɛ. ³ Nú'bɛ dí aphe Ajuá ma Dadahɛ, nzantho dí beñhe ra 'bɛfi de ri jamfrihɛ ne ri 'bɛfihɛ dega hmate, ne dí beñhe de gatho nú'a guí tɛthɛ ngue'a guí tɔ'mhɛ da 'ñehe ma zi Hmuhɛ ra Jesucristo. ⁴ Ma zi cu'ihɛ yá hmadi'ihɛ Ajuá, dí pahɛ gue xa huahn'a'ihɛ Ajuá. ⁵ Nura maça hoga noya dá xi'ahɛ hindá xi'a'ihɛ hɔnse dega noya, dá xi'ahɛ co rá ts'ɛdi ra Maça Nɔhi, nehe dí camfrihe gue go guehna xi majuaní. Nũ'ahɛ gá pahɛ tengu ma 'mɛihe nú'bɛ duá 'bɛhɛbɛ con gue'ahɛ pa ri hñohɛ.

⁶ Ya guí tɛnga ma 'mɛihe, nehe guí tɛmbahɛ rá 'mɛi ra Zidada Jesu. Gá hañhɛ rá noya Ajuá co ndunthi ra nt'utsate, pe nehe co ra johya nú'a xa 'ra'ahɛ ra Maça Nɔhi. ⁷ Hangue gatho ya cu me

Macedonia ne ya cu me Acaya bi den'a ri 'm̄ih̄. ⁸ Por gue'ah̄ bi nt̄nga rá noya ra Zidada hingo sēhe Macedonia nixi sēhe Acaya; nehe hab̄raza f̄adi gue guí camfrih̄ Ajuá. Nde nubýá, ya hindí p̄e'tshe te ga mañhe, ⁹ ngue'a ya ja'i ri mpede hanja bi za dá c̄the ra maça noya con gue'ah̄. Nehe mañ'̄h̄ gue gá tsoh̄b̄h̄ ya c'oi nú'̄h̄ hingo gue'̄h̄ Ajuá pa gui p̄epabih̄ Ajuá nú'a te y go gue'a Ajuá xi majuani. ¹⁰ Nehe guí t̄'mbah̄ rá T'̄h̄ Ajuá nu stí 'ñehe de mahets'i. Ajuá go bi 'ȳt'e pa bi yopa nte'a de ja ya du, ne go gue'a ra Zidada Jesu nú'a to'o ñangaguih̄ de rá cuε Ajuá ma da 'ñehe.

2

Rá 'b̄efi ra apostol Pablo nuni Tesalonica

¹ Zi cuh̄ guí pah̄ gue himbi 'm̄editho ma 'b̄efihe nú'b̄h̄ dá hāts'aheb̄h̄ rá noya Ajuá. ² Masque bi sicje ndunthi ya ts'onoya nuni Filipino ne bi hn-abgaguiheni ngu guí pah̄, pe Ajuá bi 'racje ra ts'̄di pa dá xi'ahe ra maça noya, hindá ntsahe nixi dá ntsuhe, masque ndí thohe ya nt'utsate. ³ Dá zo'a'ihe de nú'a xi majuani, hindá zo'a'ihe dega ts'oqui nixi dega nthate. ⁴ Ajuá bi hyandi gue mi 'ñepcaguihe ga mañhe ra maça noya ne bi 'b̄epcahe ga mañhe. Hangue gue'a dí mañhe, hingo pa go da t'̄t'ua yá paha ya ja'i, h̄nse pa go da t'̄t'ua rá paha Ajuá nú'a to'o p̄atca ma mfenih̄. ⁵ Hindá ha'ahe co 'raya hoga noya mahotho, ngu guí pah̄, nixi hindá ha'ahe dega nc'at'aboja, Ajuá go pađi. ⁶ Ne hindá nehe to'o da 'ñesca ma nsuhe, nixi nu'ah̄ nixi ma'ra, masque mri 'ñepcaguihe

h_mah_a ngue'a dyá 'm_εhnihe de ra Zidada Jesu-
cristo. ⁷ Nu'a dá øthe, ndí p_ε'ts'ahē ra h_mate ngu
'nara n_an_a su yá zi b_atsi. ⁸ Nts'edi xi stá m_a'ahē,
hangue h_ingue nsøctho dá 'ra'ahē rá hoga noya
Aju_a, nehe xa za stá uñhe ma tehe po rá ngue'ah_u
ngue'a xi drí m_a'ahē. ⁹ Zi cuh_u, nu ndá xi'a'ihe rá
noya Aju_a, guí p_ah_u gue ndí m_pεfihe ma pa ra xuui
co ndunthi ra nzabi pa hindá ø't'a'ihe ra xuhñ_a ni
'na de gue'ah_u.

¹⁰ Guí p_ah_u ne Aju_a p_adi gue nu ndá 'b_uheb_u
dá 'yohe xi xá hño ne dá nhyoja'ihe con gue'ah_u
nú'ah_u gyá gamfrih_u, ne hindá øthe nú'a xá nts'o
hangue himbi za to bi c'ascae. ¹¹ Ne guí p_ah_u
hanja ndí zo'a'ihe ne ndí nup'ahē ri mfenih_u cada
'na de gue'ah_u, ngu 'nara dada zofu yá b_atsi. ¹² Ndí
'b_εp'ahē gue gui 'yoh_u ngu rí 'ñep'a'ih_u ngue'a Aju_a
xa zohn'a'ih_u pa gui 'b_uh_u ja rá maça hnini ne ja rá
nsunda'a.

¹³ Nuje nzantho dí umfe njam_adi Aju_a ngue'a gá
øh_u ra maça noya nú'a dá xi'ahē ne gá p_ah_u gue
go gue'a rá noya Aju_a ne hingo rá noya 'nara ja'i.
Ne maju_ani go gue'a rá noya Aju_a, ne ri m_pεfi ja ri
corasoh_u nú'ah_u gyá gamfrih_u. ¹⁴ Nu'ah_u, zi cuh_u,
xcá thoguih_u ya nt'utsate mahyεgui ngu xa thogui
ya cu de yá nija Aju_a nuni Judea, nú'u 'b_ui co ra
Zidada Jesucristo. Xa utsa'ih_u ya mengu ri haih_u
mahyεgui ngu ya xodyo xa utsa ya cu nuni Judea.
¹⁵ Nuya xodyo go gue'u bi hyo ra Zidada Jesu, nehe
bi hyo s_εh_ε yá b_adi'u, y necje bi guje. Hingui øt'e'u
nú'a rá paha Aju_a ne ri utsa'u gatho ya ja'i. ¹⁶ Mi
hagaguihe h_mah_a ga zofuhe ya ja'i nú'u hingyá
xodyo pa hinda mpøhø'u. Njab_u ya xodyo xi bi

'yøt'a ya ts'oqui asta habu bi za, ne rá ngats'i rá cue Ajuá ya xa zudi'u pa nzantho.

Ra apostol Pablo xi mi ne da ma da c'a'tsa ya gamfri me Tesalonica

¹⁷ Nuj_u zi cuh_u ya pe'tsa ya pa hinstá nuh_u, pe de ma corasohe dí beñ'ahe. Hangue xi ndí nehmahe ga nuh_u. ¹⁸ Ndí nehmahe stá maheb_u ga c'a'ts'ah_u pe ra Satá himbi hocje. Núga drá Pablo ndunthi ya 'mi'qui dá ne ga mahmab_u. ¹⁹ Nde, ¿te rá 'be'a dí tømhe, nda'a ma johyahe, ne hanja da thuscahe ra corona nu sta 'ñehe ma Zidadah_u ra Jesucristo? ¿Ha gue hingue por gue'ah_u? ²⁰ Por gue'ah_u ma da t'esca ma nsuhe ne ma ga johyahe.

3

¹ Ya himbi za dá tømhe ma'ra ya pa pa dá pah_u te gri 'buh_u, hangue dá beñhe ga coheni Atena. ² Ha numa zi cuh_u ra Timu dá pehn'a'iheb_u. Gue'a 'nará mefi Ajuá ne ma mfats'ihe ja rá 'befi ra Zidada Jesucristo. Dá pehn'a'iheb_u'a pa da nup'a ri mfenih_u pa ma'na da zedi ri jamfrih_u, ³ pa da njo'o ni 'na de gue'ah_u to'o da ntsu de ya nt'utsate guí thoh_u. Nu'ah_u guí pah_u gue pa guehna dí 'buh_uua. ⁴ Nu nduá 'buh_ueb_u con gue'ah_u dá xi'a'ihe gue mi pe'tsi te ga thoh_u ya nt'utsate ngu ya xa t'øt'e ne ya guí pah_u. ⁵ Por gue'a nuga ya himbi za dá tøm_u ma'ra ya pa, hangue dá pehn'ahub_u ra mefi pa dá paði te gra 'm_u ri jamfrih_u, xi'b_u xqui hya'ah_u ra ts'ondāhi y nu'bá nú'a ma 'befihe xa 'medithoho hmah_u.

⁶ Ra cu Timu ya bá pengui de gueru ne ja rí zøhø, hangue go bá hancahe'a ra noya de ri jamfrih_u

y de ri hm̄ateh̄u. Nz̄antho guí bengaguihe co ra hm̄ate ne xi guí neh̄mah̄u ga nuh̄u mah̄yεgui ngu dí neh̄mah̄e nehe ga hant'a'ihe. ⁷ Zi cuh̄u, nu ndá pah̄e te gra 'm̄u ri jamfrih̄u xi bi h̄ñu ma m̄aihe, masque dí thohe ya nt'utsate ne ya ts'othogui. ⁸ Nubyá h̄a, xi dí johyahe ndunthi ngue'a xi ma-juani guí 'b̄uh̄u xá h̄ño co ra Zidada. ⁹ Nde nu'bá, otho con te ga ju'tuabihe Ajuá por gatho nú'a ra johya dí pε'tshe ja rá thandi'a ngue'a guí 'b̄uh̄u xá h̄ño con gue'a. ¹⁰ Ajuá dí aphe ma pa ra xuui con gatho ma m̄aihe gue da 'racje nsequi ga nuh̄u pa ma'na da nxøgue ri jamfrih̄u.

¹¹ Ajuá ma Dadah̄u ne ma zi Hmuh̄u ra Jesucristo da zixcahe pa ga tsøñ'a'ihe. ¹² Ma zi Hmuh̄u da 'yøt'e pa ma'na da zi'ta ri hm̄ateh̄u pa xi guí m̄adih̄u 'na ngu ma'na ne xi guí m̄adih̄u gatho ma'ra, mah̄yεgui ngu nuje dí ma'a'ihe. ¹³ Ne da max'a'ih̄u pa guí zεdih̄u, ne guí 'uegueh̄u de ya ts'oqui pa da njo'o to'o da c'a'ts'ah̄u ja rá thandi Ajuá ma Dadah̄u nu stí 'ñehe ma zi Hmuh̄u ra Jesucristo con gatho nú'u to'o xa gamfri'a.

4

Ra hoga'm̄ai gue'a ri ho Ajuá

¹ Nubyá zi cuh̄u, dí bante'ihe ne dí zo'a'ihe de rá ts'εdi ra Zidada Jesu gue ma'na guí 'yoh̄u xá h̄ño ngu dá u't'ahe, njab̄u ngu ne Ajuá.

² Ya guí pah̄u nuya h̄manda dá 'bεp'ahe de rá ts'εdi ra Zidada Jesu. ³ Nurá paha Ajuá gue da t'axca ri mfenih̄u. Oxqui h̄ñuxh̄u co ya 'beh̄ña nú'u hingo xi ri 'beh̄ñah̄u, nixi ya 'beh̄ña hinda h̄ñuxui ya 'ñøhø nú'u hingo xi yá dame. ⁴ Cada 'na

de gue'ah_u gui pah_u hanja gui pɛ'tsa ri 'bɛhñah_u, hingue gui pɛ'tsh_u dega ts'oqui, gui 'ñøteh_u 'na ngu ma'na. ⁵ Oxqui pɛ'tsh_u ra ts'onc'at'aja'i ngu øt'a ya 'ñagamfri ja'i nú'u hinxa bā Ajuā. ⁶ Oxqui ø'tuah_u ni 'nara 'ñ_u ri cuh_u nixi gui hyath_u de nuya t'øt'eya, ngue'a Ajuā go gue'a unga ra nju'ti de gatho nuya, ngu ya stá xi'a'ihe ne stá zo'a'ihe ndunthi. ⁷ Ajuā xa zoncah_u pa da nt'axca ma mfenih_u hingue pa ga øth_u ya ts'oqui. ⁸ Nu'a tó'o ri ɛtsa nuna ra noya, hingo ɛtsa 'nara ja'i, pe ɛtsa Ajuā nú'a to'o 'racj_u rá Māca Ndahi.

⁹ Hingo mahyoni ga op'a'ihe pa gui mađi ri cuh_u, ngue'a Ajuā ya xa 'ñu't'a'ih_u gue gui máđih_u 'na ngu ma'na. ¹⁰ Ne majuani ya gui øth_u njab_u con gatho ya cu 'b_u gatho rá nguni Macedonia. Pe dí zo'a'ihe zi cuh_u gue ma'na da zi'ta ri hmæteh_u. ¹¹ 'Yøth_u ra ts'ɛđi pa gui 'buh_u 'nara hoga'mui. Mpefi_u sɛhe co ri 'yeh_u ngu nú'a stá 'bɛp'a'ihe, ¹² pa da ñamahño de gue'ah_u nuya 'ñagamfri ja'i, ne pa hinte gui 'bɛh_u.

Rá yo'ehe ra Zidada

¹³ Zi cuh_u, dí ne ga xi'ahe de nú'u xa du pa gui pah_u ne pa hinda du ri muih_u ngu nú'u ma'ra hinte tø'mi. ¹⁴ Nde, 'b_u dí camfrih_u gue ra Zidada Jesu bi du ne bi yopa nte ma'na'qui, nu'bá nehe dí camfrih_u gue Ajuā dua tsi co ra Zidada Jesu nu stí 'ñehe'a nú'u to'o bi du ne mi camfri ra Zidada Jesu.

¹⁵ Dí xi'ahe rá noya ra Zidada, gue núju gra 'buth_uua ja ra ximhai asta ra pa da 'ñehe ra Zidada, hingo ma ga 'bet'oh_u de nú'u ya xa du. ¹⁶ Pe ra Zidada ma dua cai de mahets'i co 'nara hmafi dega hmanda, ne co 'nara noya de 'nara

nda'εnxe mahets'i, ne co rá nzuni ra trompeta de Ajuá. Nu'bú nú'u ya cu ya xa du ante da 'ñehe ra Zidada Jesu, nu'ú 'met'o da yopa nte'u. ¹⁷ Nepu núju gra 'buthua ja ra ximhai, 'bestho da guxcahu mahyεgui con gue'u pa maña ja ya guui pa ga ma ga nthehu ra Zidada maña ja ra ndahi, ne njabu ma ga 'buhu nzantho co ra Zidada. ¹⁸ Hangué hñu'mba mihu 'na ngu ma'na co nuya noyaya.

5

¹ Zi cuhu, hingo mahyoni ga op'a'ihe pa ga xi'ahe de nuya pa xa 'ñepu ne ha'mu ma da nja nuya t'ot'eya. ² Ngue'a nu'ahu ya guí pahu xá hño gue nu sta dat'a ra pa da 'ñehe ra Zidada, nura pa'a ma da nja ngu ot'a ra be dega xuui. ³ Nura pa sta 'ñenga ya ja'i gue ja ra hmetho ne ra hoga'mui, nu'bú sta damfri'u da 'ñe 'nara nhuati pa gue'u ngu yá ugui 'nara 'behña, ne hinda mpont'ui'u. ⁴ Pe nu'ahu zi cuhu ya hinguí 'buhu ja ra 'bexuui, hangué nura pa'a hinda ma da z'ahu ngu 'nara be. ⁵ Gatho'ihu guí 'buhu ja ra ñot'i ne guí 'buhu dega pa. Nuju ya hindí 'buhu ja ra xuui nixi ja ra 'bexuui. ⁶ Hangué hinga ahu ngu ma'ra, ga ndø'mhu nzantho, ne di ja ma mfenihu. ⁷ Nuto aha, aha 'bu nxuui, ne nuto ri ti, ri ti dega xuui. ⁸ Pe nuju dí 'buhu dega pa ne di ja ma mfenihu. Ga hñehu co ma hehu dega jamfri y dega hmate pa hinte ga jahu. Njabu ga hñehu ngu ri hñe nú'u to'o 'yo ja ra tuhni. Ne ga pe'tshu ra nthø'mate pa ga mpøhøhu ngu 'nara nthaquí ja ma ñaxuhu. ⁹ Ajuá hinxa hñuxcahu pa da zucju rá cuε'a, xa hñuxcahu pa ga mpøhøhu por ma Zidadahu ra Jesucristo. ¹⁰ Nú'á bi du por guecju pa da za ga 'buhu con gue'a masque gra 'buthua o ya stá tuhu.

11 Hangue hñu'mba muih_u ne nupa mfenih_u 'na ngu 'na ngu ya guí øth_u.

Ra apostol Pablo umba ra ts'ofu ya gamfri

12 Zi cuh_u, dí bante'ihe gue gui pe'tsuah_u ra t'equ'ei nú'uh brí mpefib_u ja rá 'bēfi ra Zidada ne su'ah_u ne zo'a'ih_u. 13 Pe'tsuah_u ndunthi ra hmate po yá hoga 'bēfi. 'Buh_u co 'nara hoga'mui 'na ngu 'na. 14 Nehe dí bante'ihe zi cuh_u gue gui zoh_u ya cu nú'uh ya dahñei, gui nupa yá mfeni nú'uh to'o tu yá mui, gui faxh_u nú'uh to'o ts'atho yá jamfri, ne gui tsetuah_u gatho.

15 Jamasuh_u gue hingui co'tsh_u ra nts'o'mui co ra nts'o'mui. 'Yøth_u nzantho ra hño 'na ngu ma'na nehe con gatho ya ja'i.

16 Johyah_u nzantho. 17 Ja guetbú gui 'yaph_u Ajuá. 18 Umfu njamadi Ajuá de gatho nú'a da ñehe, ngue'a gue'a rá paha Ajuá pa gue'ah_u nú'ah_u guí 'buh_u co ra Zidada Jesucristo.

19 Oxqui hacuah_u rá ts'edi ra Māca Nđahi.

20 Oxqui utsah_u nú'a te u't'ah_u nú'uh ña de rá noya Ajuá. 21 Pah_u nda'na nú'a xá hño, ne teñh_u'a.

22 'Ueh_u de gatho nú'a xá nts'o.

23 Ajuá hubga ma muih_u, ne go gue'a da t'axca maxøgue ri mfenih_u, pa da 'be'tsi xá hño ri hoga ndahih_u ne ri mfenih_u ne ri ndo'yoh_u, pa hinto da c'a'ts'ah_u nu sta 'ñehe ma Zidadah_u ra Jesucristo.

24 Hingui pata rá mfeni nú'a to'o xa zohn'a'ih_u, ne go gue'a da 'yøt'e.

Ra apostol Pablo ja rá ngats'i rá carta ri yopa zengua ya gamfri ne apa Ajuá por gue'uh

25 Zi cuh_u, 'yaph_u Ajuá por guecje.

²⁶ Fat'ajuah_ubu gatho ya cu co 'nara nth_ufi dega hmate.

²⁷ Dĭ 'bεp'a'ih_u nts'edi de rá thuhu ma Zidadah_u gue gui hñe'tuabih_u nuna ra carta gatho ya cu.

²⁸ Ma Zidadah_u ra Jesucristo da max'a'ih_u. Njab_u gue'a.

Ra 'Ra'yo Testamento
New Testament in Otomi, Mezquital (MX:ote:Otomi,
Mezquital)

copyright © 2008 Wycliffe Bible Translators, Inc.

Language: Otomi, Mezquital

Translation by: Wycliffe Bible Translators, Inc.

Otomi, Mezquital

ote

Mexico

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomi, Mezquital

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

c6437f19-566b-5232-8b2a-5c88e5a5622b